

# Hè A Sola

Mi ferma nant'e lapre cume un licore,  
Un profumu d'ella,  
Cume l'acquata chì copre e stonde d'albore  
D'a so visturella.  
E mi ferma st'abbracciata,  
Un mazzulu di dolcezza,  
Trimuleghja sempre la mio pella assetata  
D'a to carezza.

Ripigliu:

Hè a sola chì vola,  
Chì colla in lu mio celu,  
Hè culore d'un fiore,  
Cume un rigalu di u veranu.  
Hè lume, hè sciume  
D'u fiume di l'avvene,  
Hè lu sole ch'ùn vole  
Lascià la notte vene.

Aghju appicatu a ghitarra in l'alti celi  
Per chì u ventu canti,  
E furatu a fiara di millaie di candeli  
Per fanne diamanti.  
S'hè persu in lu tempurale  
Lu battellu di e mio ore,  
Aghju vulsutu seguità lu fanale  
Di lu sore core.